

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KT 0064921 25
Zenica, 21.10.2025. godine

**OPĆINSKOM SUDU U TEŠNJU
(Sudiji za prethodno saslušanje)
TEŠANJ**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku FBiH, **p o d i ž e m**

O P T U Ž N I C U

Protiv:

S. S.,... osuđivan presudom Općinskog suda ... broj: ... od 09.03.2015. godine zbog krivičnog djela nasilje u porodici iz člana 222. stav 2. u vezi člana 55. KZ FBiH na kaznu zatvora od tri mjeseca, uvjetno jedna godina, presudom Općinskog suda ... broj: ... od 17.04.2015. godine zbog krivičnog djela nasilje u porodici iz člana 222. stav 2. KZ FBiH na kaznu zatvora od dva mjeseca, uvjetno jedna godina, presudom Općinskog suda ... broj: 39 0 K 040672 15 K od 18.11.2015. godine zbog krivičnog djela krivotvorenje isprave iz člana 373. stav 2. u vezi stav 1. KZ FBiH u sticaju sa krivičnim djelom prijevare iz člana 294. stav 1. KZ FBiH na kaznu zatvora od pet mjeseci, uvjetno jedna godina,

što je:

Dana 28.05.2025. godine oko 13,00 sati na području općine Tešanj, u mjestu ... broj ..., u dvorištu svoje porodične kuće, opće opasnim sredstvom izazvao opasnost za život ljudi, na način da je došao do svog putničkog motornog vozila marke ... reg. oznaka ..., sjeo u vozilo, te postupajući neoprezno i nedovoljno pažljivo, ne uvjerivši se da li iza zadnjeg dijela vozila ima ili nema drugih lica, isto stavio u pogon, te radnjom u rikverc krenuo da bi u jednom momentu čuo dječiji plač, svjestan da zbog njegovog takvog činjenja ili nečinjenja može nastupiti zabranjena posljedica, ali je olahko držao da iza vozila nema nikoga, nakon čega je zaustavio vozilo, te prošao iza vozila kada je vidio da njegov mldb. sin, ... (... godište) leži ispod vozila, kojom prilikom je isti zadobio tešku tjelesnu povredu u vidu preloma lijeve ključne kosti i lahku tjelesnu povredu u vidu nagnječenja sa oguljotinom u predjelu lijeve podlaktice i leđa, koje povrede po svom sveukupnom dejstvu po život i zdravlje organizma zbirno imaju karakter teške tjelesne povrede,

čime je počinio krivično djelo teška krivična djela protiv opće sigurnosti ljudi i imovine iz člana 328. stav 3. u vezi člana 323. stav 4. u vezi stava 1. KZ FBiH.